

*GATSAKBONUS*

**virseker**

Jou versekering, jou mense, jou taal.

'n Produk van auto  general

# VIRSEKER GATSAKBONUS

Omdat jy ons so min geld uit die sak gejaag het, wil ons jou beloon met 'n Gatsakbonus! As jy vir vier aaneenlopende jare nie geëis het nie, is jy geregtig op 'n uitbetaling van jou hele eerste jaar se premies of tot 25% van al jou premies wat jy oor die vier jaar betaal het (dit sluit enige bydrae aan die Virseker Trust uit).

## BEGRAFNISPLAN

Behalwe vir groot hartseer, bring dood gewoonlik ook finansiële bekommernisse. Omdat ons weet dat jy nie jou gesin hiermee wil los nie, bied ons jou die volgende voordele:

- **R5 000** begrafnisversekering vir die korttermynpolishouer.
- Eiseskikkings binne twee werksdae.
- Versekering vir dood weens die oorsaak van MIV-/Vigsverwante siektes.
- Slegs 'n sesmaande-wagtydperk geld. Dus kan jy net eis as die polis vir minstens ses maande aktief was.
- Onmiddellike versekering vir dood weens 'n ongeluk.

Bel 0861 47 79 11 om te eis.

Alle eise moet binne 90 dae na die dood van die polishouer op skrif ingedien word.

## PREMIE-KWYTSKELDING AFLEGGING

Ons wil seker maak jy raak nie jou besittings kwyt as jy jou werk verloor nie. Daarom gee ons jou kwytskelding op jou maandelikse korttermynversekeringspremies as jy as polishouer afgelê word.

Ons sal:

- betaling van jou kar- en huispremie waarborg vir tot ses maande (vir die leeftyd van die polis);
- steeds jou Gatsakbonus uitbetaal; en
- steeds jou persoonlike besittings verseker.

Bel 0861 47 79 11 om te eis.

Neem asseblief kennis dat:

- 'n sesmaande-wagtydperk van toepassing is – dus kan jy net eis as die polis vir minstens ses maande aktief was.
- alle eise moet binne 60 dae na die aflegging van die polishouer op skrif ingedien word.
- die Premie-kwytskelding Aflegging dek nie vrywillige aflegging, afdanking, die einde van 'n vastetermykontrak of aftrede in nie.

## PREMIE-KWYTSKELDING DOOD

In die geval van jou dood sal hierdie produk vir jou gesin ekstra versekering/beskerming in hierdie moeilike tyd bied:

- jou Virseker kar- en huispolispremies sal betaal word vir tot ses maande (vir die leeftyd van die polis);
- jou Gatsakbonus sal onaangeraak bly; en
- jou gesin se persoonlike besittings sal steedsverseker wees.

Bel 0861 47 79 11 om te eis.

Alle eise moet binne 90 dae na die dood van die polishouer op skrif ingedien word.

## GEVREESDESIEKTE PREMIE-KWYTSKELDING (Net beskikbaar aan kliënte oor 50.)

Wie sal opdok vir jou kar- en huisversekering as jy 'n kritiese siekte opdoen wat jou onbevoeg laat? Hierdie produk maak seker dat jy en jou gesin steeds verseker is. Jou korttermyn-premie sal vir tot ses maande (vir die leeftyd van die polis) betaal word as een van die volgende toestande by jou as Virseker-polishouer gediagnoseer word:

- 'n hartaanval
- blindheid
- kanker
- 'n beroerte
- veelvuldige sklerose of motoneuronsiekte
- nierversaking
- verlamming

- ernstige brandwonde
- koma

Hierdie voordeel sal ook geld indien jy deur middel van 'n groot orgaan-oorplantingsprosedure 'n hart, long, lewer, pankreas, nier of beenmurg ontvang het. Jou Gatsakbonus sal ook beskerm word en jou persoonlike besittings sal verseker bly.

[Bel 0861 47 79 11 om te eis.](#)

Neem asseblief kennis dat:

- alle voorafbestaande aandoenings uitgesluit is van jou versekering; en alle eise moet binne 60 dae na die insident of diagnose van die polishouer op skrif ingedien word.

## **MIV-BESKERMING**

Daar is baie maniere waarop jy aan MIV blootgestel kan word. Buiten seksuele oordrag kan dit ook tydens bloedoortappings, beroepsblootstellings, ens. plaasvind. Hierdie produk maak seker dat jy en jou gesin volle toegang tot vertroulike MIV-toetse en behandeling het binne die kritiese 72-uur venstertydperk ná onopsetlike blootstelling. Dit sal die moontlikheid van MIV-infeksie drasties verminder.

MIV-Beskerming-versekering bied jou:

- 'n 24-uur, 365-dae-per-jaar Sorgsentrum vir MIV-/Vigs-inligting, -advies en -berading;
- twee bloedkonsultasies ná potensiële blootstellingsgevalle;
- antiretrovirale terapie om infeksie te voorkom;
- die 'Nabehoed-Pil' om swangerskap te voorkom;
- voorkomende medikasie (profilakse) vir seksueel oordraagbare siektes (STI's);
- 'n beradingsvoordeel van **R3 000** vir die pasiënt en naaste familie ná 'n seksuele aanrandingsverwante insident;
- 'n sekuriteitsvoordeel van **R2 000** vir redelike sekuriteitsverbeterings na 'n seksuele aanrandingsverwante insident; en
- lewenslange inbel-advies vir jou en jou dokter.

[In die geval van onopsetlike blootstelling, bel dadelik die Sorgsentrum by 0860 09 08 17.](#)

Administrasie, Eise & Navrae  
0861 47 79 11

Virseker is 'n produk van Auto & General Versekeringsmaatskappy Bpk, 'n gemagtigde versekeraar en finansiële-diensverskaffer.

Begrafnisplan, premiekwytstelling weens dood, afligging en gevreesde siektes word deur 1Life Versekering Bpk, 'n gemagtigde versekeraar en finansiële-diensverskaffer, onderskryf.

Enige verwysing na "ons", "deur" of "met" op hierdie dokument verwys na Auto & General. Bepalings en voorwaardes geld.